


楞伽阿跋多羅寶經義疏（六）

《楞伽阿跋多羅寶經》卷第三義疏上

天竺·求那跋陀羅三藏譯經


——〈一切佛語心品之三〉——（魏云。佛心品第四。○唐云。無常品第三）

明·滿益大師疏義



△初許宣

爾時世尊。告大慧菩薩摩訶薩言。意生身分別通相。（魏云。意生身修行差別。○唐云。意成身差別相）我今當說。諦聽諦聽。善思念之。大慧白佛言。善哉世尊。唯然受教。





△初列名

佛告大慧。有三種意生身。云何為三。所謂三昧樂正受意生身。（魏云。得三昧樂三摩跋提意生身。○唐云。入三昧樂意成身）覺法自性性意生身。（魏云。如實覺知諸法相意生身）種類俱生無行作意生身。（二譯俱云無作行）修行者了知初地。上上增進相。得三種身（魏云。菩薩從於初地。如實修行。得上上地證智之相。○唐云。諸修行者入初地已。漸次證得。）

疏

三種意生身者。相似三觀之所成也






△二釋相


大慧。云何三昧樂正受意生身。謂第三第四第五地。三昧樂正受故。種種自心寂靜安住。心海起浪識相不生。知自心現境界性非性。(唐云。謂三四五地。入於三昧。離種種心。寂然不動。心海不起轉識波浪。了境心現。皆無所有)是名三昧樂正受意生身。

疏




大慧。云何覺法自性性意生身。謂第八地。觀察覺了如幻等法。悉無所有。身心轉變。得如幻三昧。及餘三昧門。無量相力自在明。(二云。神通)如妙華莊嚴。迅疾如意。猶如幻夢水月鏡像。非造。非所造。如造所造。(魏云。非四大生。似四大相)一切色種種支分具足莊嚴。隨入一切佛剎大眾。通達自性法故。(唐云。了諸法性)是名覺法自性性意生身。

疏



大慧。云何種類俱生無行作意生身。所謂覺一切佛法。緣自得樂相。(唐云。謂了達諸佛自證法相)是名種類俱生無行作意生身。


疏



△三結頌

大慧。於彼三種身相。觀察覺了。應當修學。爾時世尊。欲重宣此義而說偈言。非我乘大乘。（魏云。我乘非大乘。○唐云。我大乘非乘）非說（唐作聲）亦非字。非諦非解脫。非無有境界。（唐云。亦非無相境）然乘摩訶衍。三摩提自在。種種意生身。自在華莊嚴。

疏




○第十九五無間業門三
初請問
二許宣
三正說

——「第十八意生身門」竟——

△初請問


爾時大慧菩薩摩訶薩白佛言。世尊。如世尊說。若男子女人行五無間業。不入無擇地獄。世尊。云何男子女人行五無間業。不入無擇地獄（魏云。入於無間。○唐云。墮阿鼻獄。）

疏



△二許宣

佛告大慧。諦聽諦聽。善思念之。當為汝說。大慧白佛言。善哉世尊。唯然受教。



△初泛標五名


佛告大慧。云何五無間業。所謂殺（音弑）父（弑）母。及害羅漢。破壞眾僧。（二云。破和合僧）惡心出佛身血。

△二約觀心釋

大慧。云何眾生母。謂愛更受生貪喜俱。如緣母立。（唐云。謂引身愛與貪喜俱。如母養育）無明為父。


生入處聚落。(唐云。何者為父。所謂無明。令生六處聚落中故)斷二根本。名害父母。


疏




彼諸使不現。如鼠毒發諸法。(魏云。謂諸使如鼠毒發。○唐云。謂隨眠為怨。如鼠毒發)究竟斷彼。(魏云。拔諸怨使根本不生)名害羅漢。

疏






云何破僧。謂異相諸陰。(魏云。五陰異相。○唐云。諸蘊異相)和合積聚。究竟斷彼。名為破僧。





大慧。不覺外自共相自心現量七識身。(魏云。謂自相同相見外自心相八種識身。○唐云。謂八識身妄生思覺。見自心外自相共相)以三解脫無漏惡想。(唐云。惡心)究竟斷彼七種識佛。(魏云。八種識佛。○唐云。八識身佛)名為惡心出佛身血。



疏

若男子女人行此無間事者。名五無間。亦名無間等（魏云。是名內身五種無間。若善男子善女人行此無間。得名無間者。無間者。名證如實法故。○唐云。是為內五無間。若有作者。無間即得現證實法。）






△三約世事釋

復次大慧。有外無間。今當演說。汝及餘菩薩摩訶薩聞是義已。於未來世。不墮愚癡。云何五無間。謂先所說無間。(魏云。謂殺父母羅漢。破和合僧。出佛身血。○唐云。謂餘教中所說無間)若行此者。於三解脫。一一不得無間等法(唐云。若有作者。於三解脫。不能現證。)

疏




——「二約觀心釋」竟——

除此已。餘化神力現無間等。謂聲聞化神力。菩薩化神力。如來化神力。為餘作無間罪者除疑悔過。為勸發故。神力變化現無間等(唐云。惟除如來諸大菩薩及大聲聞。見其有造無間業者。為欲勸發令其改過。以神通力。示同其事。尋即悔除。證於解脫。此皆化現。非是實造。)


疏


此釋疑也



無有一向作無間事。不得無間等。(魏云。若犯五重無間罪者。畢竟不得證入道分。○唐云。若有實造無間業者。終無現身而得解脫)除覺自心現量。離身財妄想。離我所攝受。(唐云。唯除覺了自心所現身資所住。離我我所分別執見)或時遇善知識。解脫餘趣相續妄想(魏云。於無量無邊劫中。遇善知識。於異道身。離於自心虛妄見過。○唐云。或於來世餘處受生。遇善知識。離分別過。方證解脫。)

疏





——「初長文」竟——

△二偈頌


爾時世尊。欲重宣此義而說偈言。貪愛名為母。無明則為父。覺境識為佛。諸使為羅漢。陰集名為僧。無間次第斷。謂是五無間。不入無擇獄。

疏

此但重頌觀心釋也

——「第十九五無間業門」竟——

○第二十佛知覺門二





△初問

爾時大慧菩薩復白佛言。世尊。唯願為說佛之知覺。(魏云。如來知覺之相。○唐云。諸佛體性)世尊。何等是佛之知覺。

△二答
佛告大慧。覺人法無我。了知二障。離二種死。斷二煩惱。是名佛之知覺。聲聞緣覺得此法者。亦名為佛。以是因緣故。我說一乘。爾時世尊。欲重宣此義而說偈言。善知二無我。二障煩惱斷。永離二種死。是名佛知覺。


疏



——「初正明佛知覺」竟——

△初疑問
爾時大慧菩薩白佛言。世尊。何故世尊於大眾中唱如是言。我是過去一切佛。及種種受生。我爾時作曼陀轉輪聖王。(二皆云。頂生王)六牙大象。及鸚鵡鳥。釋提桓因。(唐云。帝釋)善眼仙人。如是等百千生經說。

疏




○二答釋三


- 初標四平等
- 二釋四平等
- 三結頌

△初標四平等

佛告大慧。以四等故。(魏云。依四種平等。○唐云。依四平等祕密意故)如來應供等正覺。於大眾中唱如是言。我爾時作拘留孫。拘那含牟尼。迦葉佛。云何四等。謂字等。語等。法等。身等。(依二譯及下釋。皆應先身後法)是名四等。以四種等故。如來應供等正覺。於大眾中唱如是言。

疏






△二釋四平等

云何字等。若字稱我為佛。彼字亦稱一切諸佛。彼字自性無有差別。(唐云。謂我名佛。一切如來亦名為佛。佛名無別)是名字等。云何語等。謂我六十四種梵音言語相生。彼諸如來應供等正覺。亦如是六十四種梵音言語相生。無增無減。無有差別。迦陵頻伽梵音聲性。(唐云。謂我作六十四種梵音聲語。一切如來亦作此語。迦陵頻伽梵音聲性。不增不減。無有差別。是名語等)云何身等。謂我與諸佛法身及色身相好。無有差別。除為調伏彼諸趣差別眾生故。示現種種差別色身。是名身等。云何法等。謂我及彼佛。得三十七菩提分法。略說佛法無障礙智。

疏



迦陵頻伽。此翻妙聲鳥

人天等聲無能及者。故以譬佛音聲

餘可知

△三結頌

是名四等。是故如來應供等正覺。於大眾中唱如是言。爾時世尊。欲重宣此義而說偈言。迦葉拘留孫。拘那含是我。以此四種等。我為佛子說。

——「初釋一佛義」竟——

○二釋不說義二

初疑問
二答釋

△初疑問

大慧復白佛言。如世尊所說。我從某夜。得最正覺。乃至某夜。入般涅槃。於其中間。乃至不說一字。亦不已說當說。不說是佛說。世尊。如來應供等正覺。何因說言。不說是佛說（魏云。依何義說如是語。佛語非語。○唐云。依何密意。作如是語。）

○二答釋三

初標二法
二釋二法
三結頌

△初標二法


佛告大慧。我因二法故。（唐云。依二密法故）作如是說。云何二法。謂緣自得法。（唐云。自證法）及本住法。是名二法。因此二法故。我如是說。

△二釋二法

云何緣自得法。若彼如來所得。我亦得之。無增無減。緣自得法究竟境界。離言說妄想。離字二趣（唐云。謂諸佛所證。我亦同證。不增不減。證智所行。離言說相。離分別相。離名字相。）

疏


此明能證之智不可說也



云何本住法。謂古先聖道。如金銀等性。法界常住。若如來出世。若不出世。法界常住。（唐云。謂法本性。如金等在鑛。若佛出世。若不出世。法住法位。法界法性。皆悉常住）如趣彼城道。譬如士夫行曠野中。見向古城平坦正道。即隨入城。受如意樂。（唐云。譬如有人。行曠野中。見向古城平坦舊道。即便隨入。止息遊戲）大慧。於意云何。彼作是道及城中種種樂耶。答言。不也。佛告大慧。我及過去一切諸佛法界常住。（唐云。所證真如常住法性）亦復如是。是故說言我從某夜得最正覺。乃至某夜入般涅槃。於其中間不說一字。亦不已說當說。

疏

此明所證之理不可說也



△三結頌

爾時世尊。欲重宣此義而說偈言。我某夜成道。至某夜涅槃。於此二中間。我都無所說。緣自得法住。故我作是說。(唐云。自證本住法。故作是密語)彼佛及與我。悉無有差別。

——「第二十佛知覺門」竟——

○第二十一離有無門三


初請問
二許宣
三正說

△初請問

爾時大慧菩薩復請世尊。惟願為說一切法有無有相。令我及餘菩薩摩訶薩離有無有相。疾得阿耨多羅三藐三菩提。

△二許宣


佛告大慧。諦聽諦聽。善思念之。當為汝說。大慧白佛言。善哉世尊。唯然受教。




△初正明二見

佛告大慧。此世間依有二種。謂依有及無。(唐云。世間眾生多墮二見。謂有見無見)墮性非性欲見。不離離相。(魏云。以見有諸法見無諸法故。非究竟法。生究竟想)大慧。云何世間依有。謂有世間因緣生。非不有。從有生。非無有生。(唐云。謂實有因緣而生諸法。非不實有。實有諸法從因緣生。非無法生)大慧。彼如是說者。是說世間無因。

疏



大慧。云何世間依無謂受貪恚癡性已。然後妄想計著。貪恚癡性非性。(唐云。云何無見。謂知受貪瞋癡已。而妄計言無)大慧。若不取有性者。性相寂靜故。(魏云。若復有人作如是言。無有諸法。以不見諸物相故。○唐云。及彼分別有相。而不受諸法有)謂諸如來聲聞緣覺。不取貪恚癡性為有為無(魏云。若復有人。作如是言。聲聞辟支佛無貪無瞋無癡。復言先有。○唐云。復有知諸如來聲聞緣覺無貪瞋癡性。而計為非有。)




△二更斥無見

大慧。此中何等為壞者。大慧白佛言。世尊。若彼取貪恚癡性。後不復取。(唐云。謂有貪瞋癡性。後取於無。名為壞者)佛告大慧。善哉善哉。汝如是解。大慧。非但貪恚癡性非性為壞者。於聲聞緣覺及佛。亦是壞者。(唐云。亦壞如來聲聞緣覺)所以者何。謂內外不可得故。煩惱性異不異故。(唐云。何以故。煩惱內外不可得故。體性非異非不異故)大慧。貪恚癡若內若外不可得。貪恚癡性無身故。無取故。(唐云。無體性故。無可取故)非佛聲聞緣覺是壞者。佛聲聞緣覺自性解脫故。縛與縛因非性故。(唐云。聲聞緣覺及以如來。本性解脫。無有能縛及縛因故)大慧。若有縛者。應有縛。是縛因故。(唐云。若有能


——「初正明二見」竟——

縛及以縛因。則有所縛。大慧。如是說壞者。是名無有相。(唐云。作如是說。名為壞者。是為無有相)大慧。因是故我說。(唐云。我依此義。密意而說)寧取人見。(唐云。寧起我見)如須彌山。不起無所有增上慢空見。(唐云。不起空見。懷增上慢)大慧。無所有增上慢者。是名為壞。墮自共相見希望。(唐云。墮自共見樂欲之中)不知自心現量。(唐云。不了諸法唯心所現)見外性無常剎那展轉壞。(唐云。以不了故。見有外法剎那無常展轉差別)陰界入相續流注變滅。(唐云。蘊界處相。相續流轉。起已還滅)離文字相妄想。是名為壞者(唐云。虛妄分別離文字相。亦成壞者。)

疏



反不如起我見者。未至於
撥因果
斷善根也





——「初長文」竟——

△二偈頌

爾時世尊。欲重宣此義而說偈言。有無是二邊。乃至心境界。（唐云。所行）淨除彼境界。平等心寂滅。無取境界性。滅非無所有。（唐云。不取於境界。非滅非所有）有事悉如如。如賢聖境界。（唐云。有真如妙物。如諸聖所行）無種而有生。生已而復滅。因緣有非有。不住我教法。非外道非佛。非我亦非餘。因緣所集起。（唐云。能以緣成有）云何而得無。誰集因緣有。（唐云。誰以緣成有）而復說言無。邪見論生法。妄想計有無。若知無所生。亦復無所滅。觀此（唐作世）悉空寂。有無二俱離。

疏






△初請問


爾時大慧菩薩復白佛言。世尊。惟願為我及諸菩薩說宗通相。(魏云。建立修行正法之相。○唐云。宗趣之相)若善分別宗通相者。我及諸菩薩通達是相。通達是相已。速成阿耨多羅三藐三菩提。不隨覺想及眾魔外道(魏云。不墮一切虛妄覺觀魔事故。○唐云。不墮一切眾邪妄想。)

疏



△二許宣


佛告大慧。諦聽諦聽。善思念之。當為汝說。大慧白佛言。唯然受教。



△初長文

佛告大慧。一切聲聞緣覺菩薩。有二種通相。謂宗通及說通。(魏云。一者建立正法相。二者說建立正法相。○唐云。宗趣法相。言說法相)大慧。宗通者。謂緣自得勝進相。(唐云。謂自所證殊勝之相)遠離言說文字妄想。趣無漏界自覺地自相。遠離一切虛妄覺想。降伏一切外道眾魔。緣自覺趣光明輝發。(唐云。離於文字語言分別。入無漏界。成自地行。超過一切不正思覺。伏魔外道。生智慧光)是明宗通相。云何說通相。謂說九部種種教法。離異不具有無等相。以巧方便。隨順眾生。如應說法。令得度脫。是名說通相。大慧。汝及餘菩薩。應當修學。

疏



△二偈頌

爾時世尊。欲重宣此義而說偈言。宗及說通相。緣自與教法。善見善分別。不隨諸覺想。非有真實性。如愚夫妄想。(唐云。如愚所分別。非是真實相)云何起妄想。非性為解脫。(唐云。彼豈不求度。無法而可得)觀察諸有為。生滅等相續。增長於二見。顛倒無所知。一是為真諦。無罪為涅槃。(唐云。涅槃離心意。唯此一法實)觀察世妄想。如幻夢芭蕉。雖(唐作無)有貪恚癡。而實無有人。從愛生諸陰。有皆如幻夢。

疏

初一偈。正頌宗說二通

後四偈。皆明二通之意也

蓋
宗通者。祇是通達自心現量
說通者。祇是開示令達自心現量

若夫愚夫妄想分別
有無
一異
俱不俱
等。並無實義
縱求解脫
終非解脫法也

苟不達唯心
但觀察有為生滅相續
則見生處。徒增有見
逮見滅處。徒增無見
是以顛倒
終無所知
而不知
一是乃為真諦
無罪即為涅槃

是故
一切世法
悉屬妄想
似有貪恚癡及人
實無貪恚癡及人
雖云從愛生陰
但如幻夢而已
悟此之謂宗通
示此之謂說通也

○第二十三不實妄想相門三
初請問
二許宣
三正說


——「第二十二宗通門」竟——

△初請問

爾時大慧菩薩白佛言。世尊。惟願為說不實妄想相。不實妄想。云何而生。說何等法名不實妄想。於何等法中不實妄想(唐云。願為我說虛妄分別相。此虛妄分別。云何而生。是何而生。因何而生。誰之所

生。何故名為虛妄分別。）

疏



△二許宣


佛告大慧。善哉善哉。能問如來如是之義。多所饒益。多所安樂。哀愍世間一切天人。諦聽諦聽。善思念之。當為汝說。大慧白佛言。善哉世尊。唯然受教。



△初正答所問

佛告大慧。種種義。種種不實妄想計著。妄想生（魏云。一切眾生。執著不實虛妄想者。從見種種虛妄法生。○唐云。一切眾生於種種境。不能了達自心所現。）

疏



大慧。攝所攝計著。不知自心現量。及墮有無見。增長外道見妄想習氣（魏云。以著虛妄能取可取諸境界故。入自心見。生虛妄想故。墮於有無二見朋黨非法聚中。增長成就外道虛妄異見熏習故。○唐云。計著能所虛妄執著。起諸分別。墮有無見。增長外道妄見習氣。）

疏

此答以何為體

謂以

計著能所有無

增長外道習氣

為其體也

計著外種種義。心心數妄想。計著我我所生（魏云。以取外諸戲論義故。起於虛妄心心數法。猶如草束。分別我我所法。以是義故。生不實妄想。○唐云。心心所法相應起時。執有外義種種可得。計著於我及以我所。是故名為虛妄分別。）

疏

此答於

何等法中

不實妄想

謂

因執著外種種義而生

即心心數之所生也

據唐譯。則以

我所

我所

句。結答何故名為虛妄分別

○二更釋所疑二

初疑問

二答釋

——「初正答所問」竟——

△初疑問

大慧白佛言。世尊。若種種義。種種不實妄想計著妄想生。攝所攝計著。不知自心現量。及墮有無見。增長外道見妄想習氣。計著外種種義。心心數妄想。我我所計著生。


疏

此牒佛答以啟難端也

唐譯略而不存

世尊。若如是外種種義相。墮有無相。離性非性。離見相。(唐云。若如是者。外種種義。性離有無。起諸見相)世尊。第一義亦如是。離量根分譬因相。(唐云。第一義諦。亦復如是。離諸根量宗因譬喻)世尊。何故一處妄想不實義種種性計著。妄想生。非計著第一義處相。妄想生。(唐云。世尊。何故於種種義言起分別。第一義中不言起耶)將無世尊說邪因論耶。說一生一不生(唐云。將無世尊所言乖理。一處言起。一不言故。又云。世尊又言虛妄分別。墮有無見。譬如幻事。種種非實。分別亦爾。有無相離。云何而說墮二見耶。此說豈不墮於世見。○魏譯亦有此一段。)

疏



△二偈頌

爾時世尊。欲重宣此義而說偈言。諸因及與緣。從此生世間。妄想著四句。不知我所通。世間非有生。亦復非無生。不從有無生。亦非非有無。(唐云。世非有無生。亦非俱不俱)諸因及與緣。云何愚妄想。(唐云。云何諸愚夫。分別因緣起)非有亦非無。亦復非有無。如是觀世間。心轉得無我。一切性不生。以從緣生故。一切緣所作。所作非自有。(唐云。諸緣之所作。所作法非生)事不自生事。有二事過故。(唐云。果不自生果。有二果失故)無二事過故。非有性可得。(唐云。無有二果故。非有性可得)觀諸有為法。離攀緣(唐作。能緣)所緣。無心之心量。我說為心量。(唐云。決定是唯心。故我說心量)量者自性處。緣性二俱離。(唐云。量之自性處。緣性二俱離)性究竟妙淨。我說名心量。施設世諦我。彼則無實事。(唐云。施設假名我。而實不可得)諸陰陰施設。無事亦復然。(唐云。諸蘊蘊假名。亦皆無實事)有四種平等。相及因性生。(唐云。相因及所生)第三無我等。第四修修者。(唐云。無我為第四。修行者觀察。○魏云。有四種平等。相因生無我。如是四平等。是修行者法)妄想習氣轉。有種種心生。境界於外現。是世俗心量。外現而非有。心見彼種種。建立於身財。我說為心量。(此二偈。魏唐俱在最後)離一切諸見。及離想所想。(唐云。及能所分別)無得亦無生。我說為心量。非性非非性。性非性悉離。謂彼心解脫。(唐云。非有亦非無。有無二俱離。如是心亦離)我說為心量。如如與空際。(二云。真如空實際)涅槃及法界。種種意生身。(魏云。意身身心等)我說為心量(魏皆云。故我說唯心。)

疏

初四句。直明世間因緣生法

本離四句。即是如來所通達之第一義諦

但以妄想著四句故。不知我所通也

次六句。重明世間非四句生。而愚夫

妄想分別

諸因緣起

皆非理也

次妄想習氣四句。明分別性唯心
次外現等四句。明緣起性唯心

後三偈。皆明成自性唯心也。於中

離一切諸見四句。是明見道正智唯心
非性非非性四句。是明修道正智唯心
如如與空際四句。是明究竟所證真如亦唯心也

——「第二十三不實妄想相門」竟——

○第二十四善語義門三

初正明語義
二兼辨智識
三破外道轉變論

初中三
初請問
二許宣
三正說

△初請問

爾時大慧菩薩白佛言。世尊。如世尊所說。菩薩摩訶薩當善語義。云何為菩薩善語義。云何為義。

△二許宣

佛告大慧。諦聽諦聽。善思念之。當為汝說。大慧白佛言。善哉世尊。唯然受教。

○三正說二

初正明語義
二破言說妄想

△初正明語義

佛告大慧。云何為語。謂言字妄想和合。依咽喉唇舌齒斷頰輔。因彼我言說妄想習氣計著生。（唐云。所謂分別習氣而為其因。依於喉舌唇齟齒輔。而出種種音聲文字。相對談說）是名為語。大慧。云何為義。

謂離一切妄想相言說相。是名為義。大慧。菩薩摩訶薩於如是義。獨一靜處。聞思修慧。緣自覺了。向涅槃城。習氣身轉變已。自覺境界。觀地地中間勝進義相。是名菩薩摩訶薩善義（唐云。云何為義。菩薩住獨一靜處。以聞思修慧。思惟觀察。向涅槃道。自智境界。轉諸習氣。行於諸地種種行相。是名為義。）

疏

語者。言語音聲。是能詮相

義者

如人飲水

冷暖自知

非言音之可及也

復次大慧。善語義菩薩摩訶薩。觀語與義。非異非不異。觀義與語。亦復如是。若語異義者。則不因語辯義。而以語入義。如燈照色（唐更云。大慧。譬如有人。持燈照物。知此物如是。在如是處。菩薩亦復如是。因語言燈。入離言說自證境界。）

疏

語如燈

義如色

譬如因燈照色

燈之與色

非異不異

故

因語辨義

亦非異非不異也

前已分釋語義。顯非不異

今意欲顯非異耳

○二破言說妄想二

初長文

二偈頌

——「初正明語義」竟——

△初長文

復次大慧。不生不滅。自性涅槃。三乘一乘。心自性等。如緣言說義計著。墮建立及誹謗見。異建立。異妄想。如幻種種妄想現。(唐云。若有於不生不滅自性涅槃三乘一乘五法諸心自性等中。如言取義。則墮建立及誹謗見。以異於彼起分別故)譬如種種幻。凡愚眾生作異妄想。非聖賢也(唐云。如見幻事。計以為實。是愚夫見。非賢聖也。)

疏

前門已明如如空際。皆唯心量

今恐如言取義之人。還於

此等語言
計有計無
墮建立誹謗見中
故譬以幻事
不應計其實有實無也

△二偈頌

爾時世尊。欲重宣此義而說偈言。彼言說妄想。(唐云。若隨言取義)建立於諸法。以彼建立故。死墮泥犁中。陰中無有我。陰非即是我。不如彼妄想。亦復非無我。(唐云。不如彼分別。亦復非無有)一切悉有性。如凡愚妄想。(唐云。如愚所分別。一切皆有性)若如彼所見。一切應見諦。一切法無性。淨穢悉無有。(唐云。一切染淨法。悉皆無體性)不實如彼見。(唐云。不如彼所見)亦非無所有。

疏


此重明隨言取義之過也

夫
一切法性
本不可說
以四悉檀因緣
作種種說
貴在因語辨義

○二兼辨智識二

初長文


二偈頌



——「初正明語義」竟——


△初長文
復次大慧。智識相。今當說。若善分別智識相者。汝及諸菩薩。則能通達智識之相。疾得阿耨多羅三藐三菩提。


疏



大慧。彼智有三種。謂世間。出世間。出世間上上。云何世間智。謂一切外道凡夫。計著有無。云何出世間智。謂一切聲聞緣覺。墮自共相希望計著。(唐云。墮自共相)云何出世間上上智。謂諸佛菩薩。觀無所有法。見不生不滅。離有無品。如來地人法無我。緣自得生。(唐云。觀一切法皆無有相。不生不滅。非有非無。證法無我。入如來地)大慧。彼生滅者是識。不生不滅者是智。復次墮相無相及墮有無種種相。因是識。超無有相是智。復次長養相是識。非長養相是智。

疏






復次有三種智。謂知生滅。(二譯皆列在第二)知自共相。(二譯皆列在第一)知不生不滅。

疏


此明諸佛菩薩。具此三種智也



復次無礙相是智。境界種種礙相是識。復次三事和合生方便相是識。無事方便自性相是智。復次得相是識。不得相是智。自得聖智境界。不出不入故。如水中月。

疏


此重約施化門中。以辨智識差別相也



△二偈頌


爾時世尊。欲重宣此義而說偈言。採集業為識。不採集為智。觀察一切法。通達無所有。逮得自在力。是則名為慧。縛境界為心。覺想生為智。無所有及勝。慧則從是生。(唐云。無相及增勝。智慧於中起)心意及與識。遠離思惟想。得無思想法。(唐云。離諸分別相。得無分別法)佛子非聲聞。寂靜勝進忍。如來清淨智。生於善勝義。所行悉遠離。(唐云。遠離諸所行)我有三種智。聖開發真實。於彼想思惟。悉攝受諸性。(唐云。分別於諸相。開示一切法)二乘不相應。智離諸所有。(唐云。我智離諸相。超過於二乘)計著於自性。從諸聲聞生。(唐云。以諸聲聞等。執著諸法有)超度諸心量。如來智清淨(唐云。如來智無垢。了達唯心故。)

疏



次二句。明三智雙照真俗。皆非二乘所能相應
後四句。結明聲聞智不同如來智也


——「二兼辨智識」竟——



△初總敘九種

復次大慧。外道有九種轉變論。外道轉變見生。所謂形處轉變。相轉變。因轉變。成轉變。(二云。相應)見轉變。性轉變。(二云生)緣分明轉變。(魏云。緣了別。○唐云。緣明了)所作分明轉變。(魏云。作法了別。○唐云。所作明了)事轉變。(二云物)大慧。是名九種轉變見。一切外道。因是起有無生轉變論。(魏云。依九種轉變見故。一切外道。說於轉變從有無生。)


疏



△二就一種別破


云何形處轉變。謂形處異見。譬如金變作諸器物。則有種種形處顯現。非金性變。一切性變。亦復如是。

疏




或有外道。作如是妄想。乃至事變妄想。彼非如非異。妄想故。如是一切性轉變當知(唐云。諸餘外道種種計著。皆非如是。亦非別異。但分別故。一切轉變。如是應知。)

疏



如乳酪酒果等熟。外道轉變妄想。彼亦無有轉變若有若無。自心現外性非性。(唐云。外道言。此皆有轉變。而實無有若有若無。自心所見。無外物故。)

疏




——「二就一種別破」竟——

△三結破

大慧。如是凡愚眾生。自妄想修習生。大慧。無有法若生若滅。如見幻夢色生（唐云。如此皆是愚迷凡夫。從自分別習氣而起。實無一法若生若滅。如因幻夢所見諸色。如石女兒說有生死。）


疏



——「初長文」竟——

△二偈頌

爾時世尊。欲重宣此義而說偈言。形處時轉變。四大種諸根。中陰漸次生。妄想非明智。最勝於緣起。非如彼妄想。（唐云。諸佛不分別。緣起及世間）然世間緣起。如乾闥婆城。



——「第二十四善語義門」竟——
《楞伽阿跋多羅寶經》卷第三義疏上